

districtum eorum, et ad derivandum [a] aquas inutiles atque superfluas usque in valles. Fecerunt praeterea munitiones frequentes in locis idoneis et necessariis ad resistendum praedonibus et bannitis [b], diurnis atque nocturnis. Munierunt itaque subtus stratam Solarolum [A], Guiliarinum [B], Zagonatam [C], Sanctam Agatham [D], Cuthignolam [E], Garnarolum [F], Butrium [G], Sezatam [H], Redam [I], Corletam [L], Cerrum [M]; Super stratam: Blancanigum [e] [N], Thaibanum [O], Seram [P], Aguzanum, Pythianum [d], Mazzolanum, Terenzanum, in loco Gallisternae, Monte Sancti Rophylli [e], de Sancta Lucia et alia loca quamplurima. Forlivienses igitur videntes, quod Faventini a Bononiensibus super arcem, quae dicitur Sambuca, ut supra diximus, in eorum servitium essent invitati [X], cum vangis et sappis [g], eorum fluvium de antiquo alveo extrahentes, in terrenum Faventinorum derivari fecerunt. Quod decem grandia milliaria terrarum Faventinorum per spacium vii devastaverat et novem ecclesias cum villis atque colonis dissipaverat. Occasione vero fossati magni, quod Faventini fecerunt [h], incipientes enim a villa Camboi [i] usque stratam, duxerunt scilicet inter ecclesiam Casalungulae et hospitale de Bonzanino, Et hoc fecerunt auxilio civium forensium et praecipue comitis Rogerii Guerrae; quod etiam [j] die primo mensis Augusti, infra spacium decem et septem dierum compleverunt. Flumen vero Livienarium in eodem fossatum [k] labi facientes. Faventini vero, tunc fines terminorum ignorantes, quos ipsi et Livenses in fundo Cassirani [l] et in monte de Bagnolo sub antiquo tempore fixerunt in concordia.

[a] ad derivandum. Sic lego; ad derimandum, Codd. — [b] et bannitis, C. V.; bannitis, C. M. — [c] Blancanigum, C. M.; Blancanicum, C. V. — [d] Pythianum, C. M.; Pitianum, C. V. — [e] Sancti Rophylli, C. M.; Sancti Rofilli, C. V. — [f] essent invitati, C. V.; essent invictati, C. M. — [g] vangis et sappis, C. M.; vangis et zappis, C. V. — [h] Quod decem etc., usque ad Faventini fecerunt, desideratur in C. V.; Faventini fecerunt. Sensus hic claudicat saepe. — [i] Villa Camboi, C. M.; Villa Cambri, C. V. — [j] quod etiam, C. M.; etiam deest in C. V. — [k] in idem fossatum. C. M.; in eodem fossatum; C. V., in eodem fossato. — [l] Cassirani, Codd. M. et V.; Cassitani, legit Cl. Mitt.

[A] Solarolum abest a nobis milliaria septem.

[B] Erat in plebe Sancti Petri in laguna, ut colligitur ex charta Arch. Azzur., sub 4 jun. 1200.

[C] Castrum prope Lugium, modo dirutum (*).

[D] Sancta Aghata duobus milliariis a Lugio versus Imolam, a qua distat septem milliariis.

[E] Ad dextram ripam Sennii, octo abhinc milliariis, Lugium versus.

[F] Versus septentrionem, septem abhinc milliariis.

[G] Butrium in plebe Sezatae. Ex charta 1231 et 1258.

[H] Plebs distans hinc milliaria quinque et dimidium.

[I] Distat milliaria quatuor.

[L] Non procul Sezata. Hinc ad quatuor milliaria.

[M] Non procul a Cosna.

[N] In plebe Saucti Proculi, territorio Faventiae.

[O] Vulgo Tebano, non procul a Blancanigo.

[P] Non procul Taibano, in quodam monticulo.

(*) Spectabat ad Comites de Cunio, ut patet ex charta Archiv. Archiep Rav., anni 1365, Caps. N. n.º 6903.